

宋本唐人小集

宋本唐人小集

駱賓王集卷下

雜詩

在軍中贈先還知己

蓬轉俱行役，瓜時獨未還。
魂迷金闕路，望斷玉門關。
獻凱多慙霍，論封幾謝班。
風塵催白首，歲月損紅顏。
落鴈低秋塞，驚鳬起暝灣。
胡霜如劒鏑，漠月似刀環。
別後邊庭樹，相思幾度攀。

同辛簿簡仰酬思立上人林泉四首

聞君招隱地，髣髴武陵春。
緝艾知還楚，披榛似避秦。
崩查年紀積，幽草歲時新。
一謝滄浪水，安

馬廐詩卷一
二
知有逸人

芳晨臨上月幽賞狎中園有蝶堪成夢無羊可
觸藩忘懷南澗藻蠲思北堂萱坐歎華滋歇思
君誰爲言

林泉恣探歷風景暫徘徊客有遷鶯處人無結
駟來聚花如薄雪沸水若輕雷今日徒招隱終
知異鑿坏

俗遠風塵隔春還初服遲林疑中散地人似上
皇時芳杜湘君曲幽蘭楚客詞山中有春草長
似寄相思

夏日夜憶張二

伏枕憂思深擁膝獨長吟烹鯉無尸素筌魚勞
寸心踈麻空有折芳桂湛無斟廣庭含夕氣閑
宇澹虛陰織蟲垂夜砌驚鳥棲暝林驩娛百年
促羈病一生侵詎堪孤月夜流水入鳴琴

和李明府

傳聞葉縣履飛向洛陽城馳道臨層掖津門對
小平霞殘疑製錦雲度似飄纓藻挾潘江澈塵
虛范甌清詎憐衝斗氣猶向匣中鳴

望月有所思

馬履三首卷一
三
九秋涼風肅千里月華開圓光隨霧湛碎影逐
波來似霜明玉砌如鏡寫珠胎曉色依關近邊
聲雜吹哀離居分照耀怨緒共徘徊自繞南飛
羽空忝北堂才

寓居洛濱對雪憶謝二

旅思眇難裁衝飈限易哀曠望洛川晚飄飄瑞
雪來積彩明書帳流韻繞琴臺色奪迎仙羽花
避犯靈梅謝庭賞方逸袁扉掩未開高人儻有
訪興盡詎須廻

秋日送陳文林陸道士

青牛遊華岳赤馬走吳宮玉桂離鴻怨金壘浮
蟻空日霽崢嶸雨塵起洛陽風唯當玄度月千
里與君同

送鄭少府入遼

邊烽警榆塞俠客度桑乾柳葉開銀鏑桃花照
玉鞍滿月臨弓影連星入劒端不學燕丹客空
歌易水寒

送費六還蜀

星樓望蜀道月破指吳門萬行流別淚九折切
驚魂雪影含花落雲陰帶葉昏還當三徑晚獨

馬廩三集卷一
對一清尊

秋日別侯四

我留安豹隱君去學鵬搏
歧路分襟易風雲促
膝難夕漲流波急
秋山落日寒惟有思歸引悽
斷爲君彈

秋日送尹大赴京

挂瓢余隱舜負鼎爾干湯
竹葉離尊滿桃花別
路長低河耿秋色落月抱寒光
素書如可嗣幽
谷竝賔行

秋夜送閻五

通庄抵舊里溝水泣新知斷雲飄易滯連露積
難披素風啼迴蝶驚月繞疎枝無力勵短翰輕
舉送長離

送吳七遊蜀

日觀分齊壤星橋抵蜀門桃花嘶別路竹葉瀉
離尊夏盡蘭猶茂秋深柳尚繁霧銷山望迥風
高野聽喧勞歌徒欲奏贈別竟無言唯有當秋
月空照野人園

送王明府上京叅選

振衣遊紫府飛蓋背青田虚心恒警露孤影尚

馬廩三集卷一
四
凌煙離歌悽妙曲別引繞繁絃在陰如可和清
響會聞天

秋日送別

寂寥心事晚搖落歲時秋共此傷年髮相看惜
去留當歌應破涕哀命返窮愁別後能相憶東
陵有故侯

於易水送人一絕

此地別燕丹壯髮上衝冠昔時人已沒今日水
猶寒

西行別東臺詳正學士

意氣坐相親，關河別故人。
客似秦川上，歌從易水濱。
塞荒行辨玉臺遠，尚名綸洩井懷邊。
將尋源重漢，臣上苑梅花早。
御溝楊柳新，只應持此曲別作邊城春。

別李嶠得勝字

芳尊徒自滿，別恨轉難勝。
客似遊江岸，人疑上灞陵。
寒更承夜永，涼景向秋澄。
離心何以贈，自有玉壺冰。

在兗州餞宋五之問

淮尼泗水地，梁甫汶陽東。
別路青驪遠，離尊綠

馬廩三卷一
五
蟻空柳寒凋密翠棠晚落疎紅別後相思曲悽
斷入琴風

春晚從李長史遊開道林故山

幽尋極幽壑春望陟春臺雲光棲斷樹靈影入
仙杯古藤依格上野徑約山隈落葉翻風去流
鶯滿樹來興闌荀御動歸路起浮埃

遊靈公觀

靈峯標勝境神府枕通川玉殿斜臨漢金堂迥
架煙斷風疎晚竹流水切寒絃別有清門外空
懷玄圃仙

夏日遊山家同夏少府

返照下層岑物外狎招尋
蘭徑薰幽佩槐庭落暗金
谷靜風聲徹山空月色深
一遣樊籠累唯餘松桂心

和王記室從趙王春日遊朧山寺

鳥旗陪訪道鷺嶺洽棲真
四禪明靜業三空廣勝因
祥河疎疊澗惠日皎重輪
葉暗龍宮密花明鹿苑春
彫談筌奧旨妙辨漱玄津
雅曲終難和徒自奏巴人

冬日野望

故人無與晤安步陡山椒野靜連雲卷川明斷
霧銷靈巖聞曉籟洞浦漲秋潮三江歸望斷千
里故鄉遙勞歌徒自奏客魂誰爲招

夏日遊目聊作

暫屏囂塵累言尋物外情致逸心逾默神幽體
自輕浦夏荷香滿田秋麥氣清詎假滄浪上將
濯楚臣纓

同崔駙馬曉初登樓思京

麗譙通四望繁憂起萬端綺疎低晚魄鏤檻肅
初寒白雲鄉思遠黃圖歸路難唯餘西向笑暫

似當長安

初秋登司馬樓宴

展驥端居暇登龍嘉宴同締賞三清滿承懽六
義通野晦寒陰積潭虛夕照空顧慙非夢鳥濫
此廁彫蟲

初於六宅宴

千里風雲契一朝心賞同意盡深交冷神靈俗
累空草帶銷寒翠花枝發夜紅唯將淡若水長
揖古人風

春夜韋明府宅宴

馬廐三集卷一
十一
酌桂陶芳夜披薜嘯幽人雅琴馴魯雉清歌落
范塵宿雲低迥蓋殘月上虛輪幸此承恩洽聊
當故鄉人

冬日宴

二三物外友一百杖頭錢賞洽袁公地情披樂
令天促膝鸞觴滿當爐獸炭然何須攀桂樹逢
此自留連

鏤雞子

幸遇清明節欣逢舊練人刻花爭臉態寫月競
眉新暈罷空餘月詩成併道春誰知懷王者含

響未吟晨

詠雲酒

朔空曾紀曆帶地舊疏泉色泛臨碣瑞香流赴
蜀仙欸交欣散玉洽友悅沉錢無復中山賞空
吟吳會篇

詠美人在天津橋

美女出東鄰容與在天津動衣香滿路移步襪
生塵水下看粧影眉頭畫月新寄言曹子建箇
是洛川神

夕次舊吳